



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

CLXV. Cælestinus II. Anno Christi 1243. Conradi III. Reg. 6. Manuelis Comn.
1.

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

ralibus. Ab Vicleffo pestifera lues man-
vit ad Lutherum, ad Centuriatores Magdo-
burgenses, Molinæum, Volfium, Golde-
stum, Corringium, profus ut jure Baroni-
us ad an. 1141. §. 3. *Politicorum har-
ticorum Patriarcham atque Principem*
Arnaldum appellaverit.

CLXV.

CÆLESTINUS II.

ANNO CHRISTI 1143.
CONRADI III. REG. 6. MA-
NUELIS COMN. 1.

CÆLESTINUM II. Hetrus-
cum, Civem Castellani, *Pa-*
donem antea dictum tertio post In-
nocentii II. mortem die VI. Kal-
Octobris *Cardinales, populo Romano*
acclamante, in Romanum Pontificem
concorditer elegerunt. (1) Itaque di-
citur à Panvinio primus Papa creatus
sine ullo populi interventu. Populum
enim, ut idem Panvinus ac Sigonius
tradunt, Pontificiorum jure comitorum,
cujus à primis temporibus ad eam usque
diem particeps fuerat, Innocentius II.
spoliaverat. 2. Mortuus est Cæle-
stinus anno 1144. VII. Idus Martii
mense Pontificatus quinto, die decimo ter-
tio (3)

Bar. an.
1143. §. 2
Pag. §. 4

Bar. an.
1144. §. 1
Pag. §. 1

AN.

ANNOTATIONES.

(1) Cælestinus II. in Epist. ad Cluniacenses apud Lab. tom. 10. Conc. pag. 1031.

Eidem Cælestino electionem pacificam, qualis ab Alexandri II. tempore nunquam contigerat, gratulatus est S. Petrus Venerabilis Abbas Cluniacensis lib. 4. epist. 19. tom. 22. Bibl. Patr. pag. 921. *Non hoc, ut jam nobis relatum est, humanus fastus, non sibi providens humana cupiditas, non Romanus turbo sepe auditus, orbemque terrarum suo impulsu concutere solitus effecit: sed adversa pacificans, diversa vivens, discissa redintegrans, spiritus ille, qui ubi vult, spirat. --- Quis hoc non miretur, à tempore Alexandri II. Papa per Gregorium, Urbanum, Paschalem, Gelasium, Callistum, Honorium, Innocentium summos Ecclesie Dei ac praeclaros Pontifices, quantum ad eorum promotionem pertinet, Ecclesiasticam partem pertransisse, sed in nullo eorum praeter vos quiescisse?*

(2) Panvinius annotat. ad Platinam pag. 151. Sigonius, de Regno Italiae lib. 10. ad an. 1143. pag. 451.

Communi voto Cleri & populi electum Eugenium III. scribit Otto Frisingensis lib. 7. cap. 31. ex quo apparet, populum rursus admissum ad electionem Pontificis.

(3) Ab hoc Pontifice incipit vaticinatio illa de Pontificibus Romanis ad extremum usque

usque iudicii diem futuris, qua S. Malachia Armachano in Hibernia Archi-Episcopi adscibitur.

Arnoldus Wion lib. 2. Ligni Vitæ cap. 40. pag. 307. *S. Malachias scripsisse fertur nonnulla opuscula, de quibus nihil hæcenus vidi, præter quandam prophetiam de Summis Pontificibus, quæ quæ brevis est, & nondum, quod sciam, excusa, & à multis desiderata, hic appposita est.*

Prophetia S. Malachiæ Archi-Episcopi de summis Pontificibus.

1143. *Ex castro Tiberis. CÆLESTINUS II. Tiphernas ex castro S. Felicitatis ad Tiberim.*
1144. *Inimicus expulsus. LUCIUS II. De familia Caccianimica.*
1145. *Ex magnitudine montis. EUGENIUS III. Patriâ Herulicus oppido Montis magni.*
1153. *Abbas Suburranus. ANASTASIUS IV. De familia Suburra.*
1154. *De rure albo. HADRIANUS IV. natus in oppido S. Albani.*
1159. *De tetto carcere. VICTOR IV. Fuit Cardinalis S. Nicolai in carcere Tulliano. Pseudopontifex.* 1164.

1164. *Via Transiberina.* PASCHALIS III. Guido Cremenfis Cardinalis S. Mariæ Transtiberim. *Pseudopontifex.*
1170. *De Pannonia Tuscia.* CALLISTUS III Antipapa, Hungarus natione, Episcopus, Card. Tusculanus.
1159. *Ex anser custode.* ALEXANDER III De Familia Paperona. *Papero* Italicè, *Anser* Latinè.
1181. *Lux in ostio.* LUCIUS III. Lucensis. Cardinalis Ostiensis.
1185. *Sus in cribro.* URBANUS III. Mediolanensis, familia Cribella, quæ suem pro armis gerit.
1187. *Ensis Laurentii.* GREGORIUS VIII. Cardinalis S. Laurentii in Lucina, cujus insignia enses falcati.
1187. *De schola exiet.* CLEMENS III. Romanus, domo Scholari.
1191. *De rure bovensi.* CÆLESTINUS III. Familia Bovensi.
1198. *Comes signatus.* INNOCENTIUS III. Familia Comitum Signiæ.
1216. *Canonicus de latere.* HONORIUS III. Familia Sabella,
Ca-

- Canonicus S. Joannis Lateranensis.
1227. *Avis Ostiensis* GREGORIUS IX. Familia Comitum Signinae, Episcopus Card. Ostiensis hujus insigne Aquila.
1241. *Leo Sabinus*. CAELSTINUS IV. Mediolanensis, cujus insignia Leo, Episcopus Sabinus.
1243. *Comes Laurentius*, INNOCENTIUS IV. Domo ^{Filius} Comes Lavaniae, Card. S. Laurentii in Lucina.
1254. *Signum Ostiense*. ALEXANDER IV. De Comitibus Signinae, Episcopus Cardinalis Ostiensis.
1261. *Hierusalem Campana*. URBANUS IV. Gallus Trecentis Campana, Patriarcha Hierosalem.
1265. *Draco depressus*. CLEMENS IV. cujus insignia Aquila unguibus Draconem tenens.
1271. *Anguinus Vir*. GREGORIUS X. Mediolanensis, familia Vicecomitum, quæ anguem pro insigni gerit.

1276. *Contionator Gallus.* INNO-
CENTIUS V. Gallus Ordini
Prædicatorum.
1276. *Bonus Comes.* HADRIANUS
V. Ottobonus, familia Flisca
ex Comitibus Lavanæ.
1276. *Piscator Tuscus.* JOANNES
XXI. antea Joannes Petrus E-
piscopus Card. Tusculanus.
1277. *Rosa composita.* NICOLAUS
III. Familia Ursina, quæ rosam
in insigni gerit, dictus Com-
positus.
1281. *Ex telonio Liliacei Martini.*
MARTINUS IV. cujus insi-
gnia lilia, Canonicus & The-
saurarius S. Martini Turo-
nensis.
1285. *Ex Rosa Leonina.* HONORI-
US IV. Familia Sabella, insi-
gnia: rosa à Leonibus gestata.
1288. *Picus inter escas.* NICO-
LAUS IV. Piscenus, patriâ
Esculanus.
1294. *Ex Eremita celsus.* CÆLESTI-
NUS V. Vocatus Petrus de
Morrone Eremita.
1294. *Ex undarum benedictione.* BO-
NIFACIUS VIII. Vocatus
prius

- prius Benedictus, Cajetanus
cujus insignia undæ.
1303. *Concionator Patareus.* BENE-
DICTUS XI. qui vocabatur
Frater Nicolaus Ordinis Pre-
dicatorum S. Nicolaus Patari
in Licia natus est.
1305. *De fasciis Aquitanicis.* CLE-
MENS V. natione Aquitanus,
cujus insignia fasciæ erant.
1316. *De Sutore osseo.* JOANNES
XXII. Gallus, familia Ollivari
sutoris filius.
1328. *Corvus Schismaticus.* NICO-
LAUS V. qui vocabatur Petrus
de Corbario, contra Joannem
XXII. Antipapa Minorita.
1334. *Frigidus Abbas.* BENEDICTUS
XII. Abbas Monasterii Fontis
frigidi.
1342. *De Rosa Atrebatensi.* CLE-
MENS VI. Episcopus Atrebatensis,
cujus insignia Rosa erant.
1352. *De Montibus Pammachii.* INNOCENTIUS
VI. Cardinalis Ss. Joannis & Pauli
Pamachii, cujus insignia sex
montes erant.

1362. *Gallus Vicecomes.* URBANUS
V. Nuntius Apostolicus ad
Vicecomes Mediolanenses.
1370. *Novus de Virgine forti.* GRE-
GORIUS XI. qui vocabatur
Petrus Belfortis Cardinalis S.
Mariæ novæ.
1378. *De Cruce Apostolica.* CLE-
MENS VII. qui fuit Presby-
ter Cardinalis SS. duodecim
Apostolorum, ejus insignia
Crux. *Pseudopontifex.*
1394. *Luna Cosmedina.* BENEDIC-
TUS XIII. antea Petrus de
Luna, Diaconus Cardinalis S.
Mariæ in Cosmedin. *Pseudo-
pontifex.*
1424. *Schisma Barchinonicum.* CLE-
MENS VIII. Antipapa, qui
fuit Canonicus Barchionensis.
1378. *De inferno Prignano.* URBA-
NUS VI. Neapolitanus Prig-
nanus, natus in loco, qui di-
citur Infernus.
1389. *Cubus de mixtione.* BONIFA-
CIUS IX. Familia Tomacella
à Genua Liguriæ orta, ejus
insignia Cubi.
1404. *De meliore Sidere.* INNOCEN-
TIUS

T t

- TIUS VII. vocatus Cosma
de Melioratis Sulmonensis,
cujus insignia Sidus.
1406. *Nauta de Ponte Nigro.* GRE-
GORIUS XII. Venetus, Com-
mendatarius Ecclesiæ Nigro-
pontis.
1409. *Flagellum Solis.* ALEXAN-
DER V. Græcus, Archiepi-
scopus Mediolanensis, insignia
Sol.
1410. *Cervus Sirenæ.* JOANNES
XXIII. Diaconus Cardinalis S.
Eustachii, qui cum cervo de-
pingitur, Bononiæ Legatus,
Neapolitanus, *cujus antiquum
insigne Sirenium exhibet.*
1417. *Corona veli aurei.* MARTI-
NUS V. Familia Colonna,
Diaconus Cardinalis ad velum
aureum.
1431. *Lupa Cælestina.* EUGENIUS
IV. Venetus, Canonicus an-
tea Regularis Cælestinus, &
Episcopus Senensis, *cujus in-
signe Lupa.*
1439. *Amator Crucis.* FELIX V. qui
vocabatur Amadæus Dux Sa-
baudiæ, insignia Crux. *Pseudo-
pontifex.* 1447.

1447. *De modicitate Lunæ.* NICO-
LAUS V. Lunensis de Sarza-
na, humilibus parentibus natus.
1455. *Bos pascens.* CALISTUS III.
Hispanus, cujus insignia Bos
pascens.
1458. *De Capra & Albergo.* PIUS II.
Senensis, qui fuit à secretis Car-
dinalibus Capranico & Alber-
gato.
1464. *De Cervo & Leone.* PAULUS
II. Venetus, qui fuit Com-
mendatarius Ecclesiæ Cervien-
sis, & Cardinalis tituli S. Marci,
cujus symbolum Leo.
1471. *Piscator Minorita.* SIXTUS
IV. Piscatoris filius, Francis-
canus.
1484. *Percursor Siciliae,* INNOCEN-
TIUS VIII. qui vocabatur Jo-
annes Baptista, & vixit in Cu-
ria Alphonsi Regis Siciliae.
1492. *Bos Albanus in portu.* ALEX-
ANDER VI. Episcopus Car-
dinalis Albanus & Portuensis,
cujus insignia Bos.
1503. *De parvo homine.* PIUS III. Se-
nensis, familia Picolominea.

1503. *Fructus Fovis juvabit,* JULIUS

T t 2 II.

- II. Ligur, ejus insignia Quercus Jovis arbor.
1513. *De craticula Politiana.* LEO X. filius Laurentii Medicei, & Scholaris Angeli Politiani. *Craticula est instrumentum mortis S. Laurentii.*
1522. *Leo Florentinus.* HADRIANUS VI. Florentii filius, ejus insignia Leo.
1523. *Flos pilei ægri.* CLEMENS Florentinus de domo Medicea, ejus insignia pila & lilia.
1534. *Hyacinthus Medicorum.* PAULUS III. Farnesus, qui lilia pro insignibus gestat, & Cardinalis fuit SS. Cosmæ & Damiani Medicorum.
1550. *De corona Montana.* JULIUS III. antea vocatus Joannes Maria de monte. *Ejus insignia mortuus tres & laurea corona duplex.*
1555. *Fruentum Floccidum.* MARCELLUS II. cujus insignia cervus & frumentum, ideo floccidum, quod paucopore vixit in Papatu.
1555. *De fide Petri.* PAULUS IV. antea vocatus Joannes Petrus Caraffa. 1558.

1559. *Æsculapii Pharmacum.* PIUS IV. antea dictus Joannes Angelus Medices.

1566. *Angelus nemorosus.* PIUS V. Michaël vocatus, natus in oppido Boschi.

1572. *Medium corpus pilarum.* GREGORIUS XIII. cujus insignia medius Draco, Cardinalis creatus à Pio IV. qui pilas in armis gestat.

1585. *Axis in medietate signi.* SIXTUS V. qui axem in medio Leonis in armis gestat.

1590. *De rore Cæli.* URBANUS VII. qui fuit Archiepiscopus Rossanensis in Calabria, ubi manna colligitur.

Interpretationes hæctenus adjectæ, si Wioni credimus & Gulielmo Cave in Historia Litteraria Scriptorum Ecclesiasticorum pag. 578. sunt Alphonsi Ciaconii, quamvis in ejus Vitis Pontificum Romanorum non appareant: quæ sequuntur, sunt aliorum.

1590. *De antiquitate Urbis.* GREGORIUS XIV. Natus Mediolani, quæ Urbs ædificata

dicitur annis circiter 400. ante ortum Christi Domini.

1591. *Pia Civitas in bello.* INNOCENTIUS IX. Bononiæ ortus, quæ postremis sæculis bello vexata semper est, donec dedit se Pontifici.

1592. *Crux Romulea.* CLEMENS VIII. Ex Familia Aldobrandina, quæ dicitur originem ducere ab eo, qui Romanorum primus Christianus fuit. Ejus insigne fascia Crucis figuras exprimens.

1605. *Undosus Vir.* LEO XI. qui transiit velut unda, cum tantum quinque & viginti regnaverit.

1605. *Gens perversa.* PAULUS V. Ejus insignia Draco & Aquila.

1621. *in tribulatione pacis.* GREGORIUS XV. Creatus est Cardinalis quo tempore Italia turbata est, cui reconciliandæ ipse operam dedit.

1623. *Lilium & Rosa.* URBANUS VIII. Florentinus, cujus insigne Apes, quæ liliis & rosis pascuntur.

1644. *Fecunditas Crucis.* INNOCENTIUS

CENTIUS X. Pontifex factus est festo die Exaltationis S. Crucis.

1655. *Montium custos.* ALEXANDER VII. Pro insigni habuit montem sex angulorum, ac præterea Romæ constituit Montes pietatis.

1667. *Sidus Olorum.* CLEMENS IX. In Comitibus Pontificalibus fors ei obtulit cubiculum Olorum, ex quo exiit tanquam lucidum Sidus ad Ecclesiam illustrandam.

1670. *De flumine magno.* CLEMENS X. Natus est Romæ quo die Tiberis extra alveum effluxit.

1676. *Bellua insatiabilis.* INNOCENTIUS XI. Ejus insignia Leo, & Aquila. Vehemenamavit Cardinalem Cibo.

1689. *Pœnitentia gloriosa.* ALEXANDER VIII. Petrus antea dictus, ac Pontifex electus die festo gloriosi Pœnitentis S. Brunonis.

1691. *Rastrum in porta.* INNOCENTIUS XII. Ex familia Pignatella ab raistro ad portam Neapolis.

T t 4 1700.

1700. *Flores circumdati.* CLEMENS
XI.

1721. *De bona religione.* INNOCEN-
TIUS XIII.

1724. *Miles in bello.* BENEDICTUS
XIII.

1730. *Columna Excelsa.* CLEMENS
XII.

Superfunt Pontifices symbolis sequentibus
prænuntiati.

1. *Animal rurale.*
2. *Rosa Umbriæ.*
3. *Ursus velox.*
4. *Peregrinus Apostolicus.*
5. *Aquila rapax.*
6. *Canis & Coluber.*
7. *Vir religiosus.*
8. *De balneis Hetruriæ.*
9. *Cruce de Cruce.*
10. *Lumen in Cælo.*
11. *Ignis ardens.*
12. *Religio depopulata.*
13. *Fides intrepida.*
14. *Pastor Angelicus.*
15. *Pastor & Nauta.*
16. *Flos florum.*
17. *De medietate Lunæ.*
18. *De labore Solis.*
19. *Gloria oliuæ.*

20. *In persecutione extrema Sanctæ Romanæ Ecclesiæ sedebit Petrus Romanus, qui pascet oves in multis tribulationibus, quibus transactis Civitas septicollis diruetur, & Judex tremendus judicabit populum suum.*

Hanc vaticinationem rejiciunt Critici, 1. quia Arnoldus Wion, qui vixit anno Christi 1195. post S. Malachiam quadringentesimo quinquagesimo, affirmat, eam ab se primum excusam, nec dicit, unde acceperit. 2. quia nullus Scriptor coævus meminit de ea, ne ipse quidem S. Bernardus S. Malachiae familiaris, qui vitam ejus diligentissime scripsit, aliasque ejusdem vaticinationes minoris momenti protulit. 3. quia in ea octo Pseudopontifices Victor IV. Paschalis III. Callistus III. Nicolaus V. Clemens VII. Benedictus VIII. Clemens VIII. & Felix V. inferuntur Pontificibus legitimis, & duo tantum Nicolaus V. & Clemens VII. *Antipapæ* nomine notantur. 4. quia peccat contra Chronologiam: siquidem memorati Pseudopontifices Victor IV. Paschalis III. Callistus III. præponuntur Alexandro III. qui ante ipsos Pontifex fuit: & Clemens VII. Benedictus VIII. & Clemens VIII. collocantur ante Urbanum VI. qui eos præcessit. 5. quia nullam ejus rationem habuerunt Viri doctissimi Baronius, Spondanus, Bzovius, Raynaldus, aliique.

Conficta creditur anno 1590. tempore Pontificalium Comitiorum, à fautoribus Cardinalis Simoncelli, quem designarunt

T t f

hac

hâc voce: *De antiquitate Urbis*: siquidem ejus patria erat *Urbs vetus*. Itaque cum facile sit, verum esse Vatem de rebus præteritis, vaticinatio illa facile aptatur Pontificibus, qui annum 1590. & Gregorium XIV. præcesserunt; iis autem qui deinceps fuerunt, minùs commodè atque per vim. Vide Magnum Dictionarium Historicum Ludovici Moreri editum Basileæ. 1733. tom. 5. Verbo *Malachia* pag. 60. & Valerianii Elementa Historiæ edita Venetiis anno 1738. tom. 3. pag. 217.

CLXVI

LUCIUS II.

ANNO CHRISTI 1144.

CONRADI III. 7. MANUELIS

COMNENI 2.

LUCIUS II. antea *Gerardus Caccinimicus*, *Bononiensis*, quem *Honorius II.* ex *Canonico Regulari Caradimlem* cooptaverat, (1) tribus diebus post *Callisti II.* mortem, IV. Idus Martii in ejus locum sublectus est. Hoc Pontifice *Alphonsus Dux Lusitaniæ* dititionem suam vectigalem fecit Ecclesiæ Romanæ annuo censu unciarum quatuor. (2) In hunc rebellantes *Arnaldistæ Romani*, non solum priscam Senatoriam dignitatem instaurare, sed

Bar. an.
1144. §. 1.
3 4. 5.
Pag. §. 1.
6. 8.